

24



Qy. 24. 9

13.



10149

**Eyn Verantwortung Heinrichs Kettenbachs des
mordgeschreys der Papisten vber die
Ewangelische vnd Aposto-
lische lere Martini
Luthers.**

Wittenberg.

1 5 2 3

*inveremeri in univ. Naug.
1715 11. 7. 5. 5. 5.*



Der Barmhertzige gütige Got auß liebe gegen vns
hatt aber eynmal zu dieser zeyt/ vns gegeben ettelich hoch-
geleert Christlich lerer/ die vns das wort Gots lauter vñ
reyn fürlegen/ vnd die falschen Propheten vñ trawmpres-
digern Baals (Jere. 23.) des Baruchs/ mit dē schwert des
worts gots schlagē. Lu. 3. yhr conscienz verwunt/ selber
sagt sich überwunden seyn. Aber das nattern vñ schlangē
gewurm (Mat/ 23) verblent vnd verhart/ thut nach seyner
gystigen art. Vnd wie die Jüden die Propheten verfolgetē
eynen nach dem andern/ vmb des willen das sie predigten
widder die erdachte sündleyn/ trawm vnd menschen leer.

Also thun itzundt die Prelaten der kirchen/ vñ mit-
helfer yhre scherger/ als paffen vñ munch/ verfolgen bys
yn todt die recht Christlichen leierer/ die den armen verfurtē
leyen/ von heydnisscher/ von mensche/ von teuffels leer vñ
gesetzen der Bepst/ widder wollen bringen zu Ewangelis-
cher freyheit vñ lauterkeit/ auff das wyr Christo mit eynē
frölichen hertzen dinten/ vñ sein leicht ioch gern trügen.

Also sind vmbgebracht trefliche leerer vñ ewange-
lische prediger/ nemlich zwoen Johan. vnd zwoen Hieron.
Man hat Thome von Aquin / Scoto/ vnd andern mher
vil yrthum vbersehen. Aber wo eyner erfürtryt mit dē Eua-
ngelion/ dem vberficht man nit eyn minutlyn/ vnd mag mā
sie nicht mit schrift vberwinden/ so stellen sie dar den henc-
cker mit dem serwer/ der vberdisputyrt sie alle/ wie auch Jo-
han Hus. O Mar. Luther hut dich vor dem disputirn/
die andern thun dyr nicht.

Die Apostel Christi streytē mit dē schwert des heyl-
igen Geystes. Ephs. 6. Die Endchristliche apostelln dis-
putyren mit serwer vñ hencckers schwert. Itzunt zu dyser zeyt
ist Annas/ Cayphas/ Pilatus/ Konig Herodes/ die Sinas-
gog der schrift verkerten vñ gleyser widder auferstanden
vnd yhr Kynder leben nach/ Es ist ye eben solch ottern ges-
chmeis yn der kirchen / wie verzeyten yn der Sinagog.

Die weyl ytzunt söllich mortgeschrey vñ gros klage
ist widder Mar. Luther von wegen der papisten/ vñ doch

Arumidano

*Das ewige
28 fe.*

*Das ewige
28 fe.*

Kein recht/kein schrift/kein vernünftige sach für ein grund
odder rüch haben. Sondern alleyn des Papssts prelaten/
Hochenschulen/Keyfers vñ Fürsten gewalt. So wil ich
kürzlich antwort geben auff etzlich gemeyn klage/vnbil-
lich widder den frommē Luther geblasinyrt.

¶ Das erst mortgeschrey. Der Luther redt wider die. 7.
sacrament der kyrchen/hat nur. 2. odder. 3. zugelassen. Do
schreibet Glapion den Keyser an vmb hülff/do plerren die
genßpredigern auff der kanzel/das ist ein grose ketzerey/vñ
vil keyen sind Luther feindt worden. Des halben ich ant-
wort. Ihr Susanne böswichter liget auff yhn/er lest euch
hundert Sacramēt machen odder halten/den Sacrament
ist als vil gesagt/ein heylig zeychen/der sind vil/als eynn
Creüz/ein glock/weirwasser/messgewandt/sind Sacra-
ment/heyliches dings zeychē.

Aber also spricht Mar. Lu./aus der heyligē schrift
mag man nicht bewern. 7. Sacramēt/dar yn got verspro-
chen hab gnad zugeben/vñ solliche Sacramēt zum zeychē
der gnad aufgericht. Kont yhr. 7. bewern aus d schrift/
so thutt es/so wirts Luther mit euch haltē. O yhr gekrōn-
ten eseln beweret ewer gepler/yhr machet vil Sacrament
auff d yhr vil schinderey aufricht ym volck die heller lösen

Ihr sprecht die ehe sey ein Sacramēt vñ geben den
Jungfrawen. 100. selige frucht/ den witwen. 40. vñ den
ehelichē. 30. fruchte. Was hilff nun nach ewer leer die ehe-
lichē/das yhr stant ein Sacramēt ist/vñ gebet yhn doch
den mynner teyl/was schattes den witwē vñ iunpfrawen
das sie kein sacramentlichē stant habē. Ich glaub so
got die Ehe hat auffgesetzt/ein from ehelich person sey für
got/ob sie auch drey ehelich gemahel nach eynāder gehabt
hab vnd. 20. kynder/denn ein munch odder nunn/ Auch
von den alfantzer die. 30. iar keuscheyt haben gehalten ym
leyb/wie ym hertzen weis got wol. Darumb geb ich den
ehelichē. 100. frucht/den monchē vñ nunn drey faul bym.

¶ Das ander mortgeschrey vnd klage der Baaliten ist.
Der Luther hatt die beycht verkleinet yn yher krafft/das
muß mancher beychtwatter entgeltē/den die beychtkynder

24

De confessione

1275
nicht so vil schenken als vor. Auch nit lassen narnn vnd
effen/wollen nicht mit dem narnn seyl gebunden sein/vnd
wollen nyminer die beichtuatter anbeten sondern wollen
yhren vertrauen vñ hofnung yn Gott setzen / dē sie 300 iar
yn die pletner gesetzt haben wie die ersten Christen. Denn
bey Tausent iar ist das heymlich orenbeychten nit gewesen
yn der Christenheyt. Do warn auch noch fromme prister.

2 NOV
Die weyl nun die klage ist/das Mar. Luther hindere
die frucht: der beychte/so wil ich beschreybē ettliche frucht
8 beycht wie sie itzūt geschicht/ vñ vrteilt dar nach recht.

Die erst frucht/ist die frucht des leybs. Denn do her
kommen vil schöner kind leyn/die mā sancfert odder hur-
kynder nennt/die der heyligen beychtueter sind/ mit yhren
beychttöchtern vñ kommen. Den etliche haben Qua sucht
hart/wo der man wenig nütz ist do muß der beychtuater
helffen. Also mag etwā eyn beychtuater. 20. trösten zuseytē
vnd laufft rancken vntter den weybern /wie ein farr vntter
eyner hertt kñhe. O man du nar sie bñlen etwā dein roeyd
kynd vnd mayd/noch wiltu ein nar sein 2c.

Zu Constantinopel als die orē beycht anfang/ sundia
get ein beychtuater mit einer tapffern hochgeachten burger-
ryn (wie nach geschicht) Es brach aus /vñ kam an tag.
Do sprachen die Krichē/des Bapst gesetz wern von dem
teufel / vnd wolten sollich beychtē nit haben/dē warlich
got hat sie nicht eyngeetzt. Denn wer beychts halben sund
vermeydt/ der thüt es nit vmb gottes willen/hat keyn lon.

Die andere frucht. Junpfrawē werden wunderbar-
lich schwanger von dem geyst 8 beychtueter. Ist probirt
yn beschlossenen Klöstern/do das wasserloch offen stehet.
Ach got die aller schönsten/die reychsten/die zuchtigstem
werden hn der beycht gefangen/vnd offt verfurt. O tace.

Die drit frucht. Die ersamē frawen vñ Junpfrawen
die do eynfeltig vnd from kommen zu der beycht/ werden
offt heyloß/gotloß/ehloß/seelloß vnd zu hurn. Denn do
wirt yhn yhr hertz heimlich vñ substill gestolen/verraten
vnd verkauft.

Die viert frucht. Yn der vñkommen die beychtueter

1275

10153
gut geschēck/eleniot/gelt/specerey/gutenweyn/malmasyr/
reinfalder/feltlyner/eynaroger/traminer/zucker/lackwergē/
seygen/roßyn/mandeln/hechte/karpffen/vnd allerley hellē
kuchlein vñ schleckerey. Denn sitzen sie bey eynander schlē-
men vnd demmen bis das sie verattenn haben alles das
yhn gebeycht ist/das ist yhr fasten.

Darnach das man nit merke yhr füllerey/ so halten
sie hart die beychtkind auff dē fastē/schwerlich absoluirn
sie/die ein tag zweymal vbel esse/vnd fur got wol fasten.
Aber die alle tage foll sind /vnd keynen tag hunger leyden
den verheiffchen sie den hymel/wer nicht fast wie sie wollē
der muß yhn gelt geben /so wirt er absoluir. Es wer denn
eyn schonn weyß/die mag yhns bezalen mit yhren leybe/
das ist alles Papisten werck.

Die funfft frucht. Durch beychten sind Keiser/Ko-
nig/Herin/Fursten/edel/reych/arm/man vnd frawen/ der
pfaffen vnd munnich vnterthane knecht vnd schyr eygem
worden. Vnd 8 Bapst 10 grad vbir Christum gesetzt.

Die sechste frucht. Durch beychten haben die pfaffen
munnich vñ prelaten an sich gerissen golt/rendt/zynß lant/
leut/hof lehen vnd die besten gütter/darnach heysts kirchē
gut so es der kirchen genommen ist/das ist/von den die es
billich haben solten. Also ist alle ding verkert.

Die .7. frucht. Reuter vñ Kaufleut müssen dē beychts
ueteren beuth geben von yhrem geroyt wollen sie absoluir
werden. Den sie machē yhn Casus reseruatōs/vñ wucher
hendel wo sie wollen. So auch etwan der Kaufleut hendel
fur got besser sind/denn aller Papisten pfaffen beten/ vnd
der munnich missyn das ist Mess haltē.

Die .8. fruchte. Aus dem beychten kommen heymliche
sachen an tag/da durch yhr vil vmb gelympff/cher/gutt/
leyß vñ lebensind kommen. Den sie schicken die beychtin-
der do hyn das sie sich selber verraten/so man hört das sie
nicht sind absoluir yn yher kirchen. O dder setzen yhn ner-
risch Buß auff/ dar durch sie verraten sind. Exempel zu
Vlm/Heylpron/Lebensteyn las ich faren.

Die .9. frucht. Aus dem beychten kommet/das sich

3201. 1059

ettlich selber ertödt haßē/ so die beychtueter solich leut nicht zu der gnad Christi weysen/sonder auff menschen werck/ hülf vnd leer.

Die.10.frucht. Ymm 8 beycht machen des teuffels scherzantē/das sind die tollē beychtueter/ vil yrigen/ verworn zweifelhaffstige cōsciētz/das ettlich zu fasten/ ettlich zu Bettē zc gereyzt/ vnuernüftlich zu nariē vñ fatas ten sind wordē/ als weyber etwan die die frucht yhrs leybs tödten/ odder schwächen durch fasten. Ach das merer teyl der beychtueter sind seelmorder vnd verterber.

Die.11.frucht. Durch beychten lernen die leut/was sie sollē fur knecht vñ meyd dingē/welchē sie sollen vrlaus geben odder behalten. Denn vmb sollich ding fraget man die beychtueter.

Die.12.frucht. Durch beychten wirt des Papst gewalt/ leer vnd gesez erhöhet mit menschē leer/ vnd Christi gesez vnd leer ganz vergessen. Denn die beychtueter sind des Papsts trawanten/ mercken seyn gebot/ verbot/ gesez vnd leer/ vnd auff die leusenschiffer odder Somnisten nemlich auff Summam Diabolicam vnd Tonges seie vom **SLOKELTZ**.

Die.13.frucht. Der Fiscal wirt reych durch beychtē/ den er spricht man solt yhm anbringen verlehmbte person mit eebuch/ do kōmen denn die beychtē int yn das register des Fiscals aus dem beychten/ den drawet er sich mit yhn zuvertragen. Le eins dan zuschanden wirt durch den Busen/so gibt es yhm ee ein gülden odder zwen.

Die.14.frucht ist Vbirglarob 8 beychtēinder/ die yhe vertrauen setzen auff yhr eygen beychtē/ yn das beychtuaters absolutiō/ yn die auffgesetzte buß/ vñ vgesseſſen Christi leidens vnd glaroben/ bedenken nit das sie allein durch Christum mögen vnd müssen seelig werden so sie yhn glaroben vnd getrawen das er fur sie genug gethan haß/ vnd yhn vergeben vnd verzeyhen wol all yhr sund

Die.15.frucht. Vil frommer beychuetter werden zu Busen des beychthorens halbē/leit am tage. Darumb die frucht die dy papistē machen aus dem beychtē/sind wie



Die epffel obder frucht bey dem todtem mer wachsen/ do
verzeyten Sodoma vñ Gomora stunden/ scheintem von
ausen schön/ lieblich vnd gut/ aber ynwendig stecken sie
vol wüst vnd stincken.

Ich hab nit konnen mercken/ das eyn gut stücke vñ
den Besten yn allen yhren geystlosen Rechten/ seindtmal
sie auffgesetzt worden sind/ vñ scheinendt doch gut.

Zum dritten/ so klagen die Papisten der Luther
hab wider die Mess geret. Antwort/ er ret widder abweyß/
vñ glaroben/ mißbrauch/ geytz trygerey/ so mit dem mess
lesen volbracht wirt. Den Christusblut vñ fleysch wirt
yn den messen geringer verkauft dan vonn Juda. Vnd so
wir yn der Messe von got solten nemen/ so wollen myhr
yhm geben.

Die Mess ist ein genadreych Testament Christ ist
als klerlich sein wort Luce am. 22. von der mess lauten/ so
machen yhr ein opffer draus/ auff dz euch auch geopffert
werde. Christus spricht/ yhr solt nemen von myr/ so spricht
yhr wir opffern vñ bringen dir. S. Paul spricht Ebre. 13.
Wir sollē opffern durch Christum als ein mitler/ ein opfer
des lobes/ das ist/ got danckbar sein seynes Testaments
vns vermachet.

Er spricht nit das wir Christum widderumb sollē
opffern/ denn Christus hat sich einmal selber geopffert fur
der welt sind/ ist nit not das er widderumb geopffert werd.
Ebre. 10. Denn das wer so vil als Christi opffernung nicht
wer genug gewesen. Was mit einem mal bezalt wert darff
man nit noch ein mal bezalen.

Das lembleyn ym gesetz Moysi wart dick geopffert
darüb das es vnvolkommē was. Aber Christi opffer ist
volkommē. Es ist verbracht sprach er vñ pau. Ebre. 10.
Das aber Malach. am ersten spricht yn gotts person/ an
allen ortern wirt mir vnter den heyden eyne reyn opffer ge-
opffert werden. Do redt er nit von dem Messlesen/ denn die
heyden lesen nicht mess. So redt er nit von Christenn/ denn
wir seyn nit heyden. Darumb lobt er an dem ort ettlich hei-
den zu d zeyt/ als Naama vñ Luc. 4. Sareptins frewlein.

10155

De Messa
a papa in
sua

Christus hat sich
einmal geopffert
für die welt
und ist nicht
mehr zu opfern



210
1015
Dem ym gesetz der natur vnter den heyden/ sind als
weg ettlich got angeneh gewest/ als Job Noe vnd vil
ander/ der opffer vnd andacht/ guter wil vnd weick warn
got eyn reyn opffer/ es ging aus eynem reynem hertzen/ sie
waren got danckberer dan die Juden. Ettlich thyer werde
reyn genant. Genesis 7. vñ 8. Vnd ym Leuitico vil mer ges
beut almussen geben/ got loben vnd dancken. Also sollen
wir auch durch Christum gott opffern/ als Pau. vñ Pet.
yn der ersten Epist. am 1. vñ 2. cap. Des gleychen Malach.
ym ersten nit redt von vnserm vnd keynem Messlesen.

Ich glewß das ytzunt die weyl so vil Messlesen ist/
got schwerlich erzurnet sey dan do yhm etwan yn zehñ
meilen nit zehñ messen warn/ ist auch sider ni wolgestän
den yn der Christenheyt. Wir verkeuffen Christum yn der
Mess vmb 12. pfenning/ Judas vmb 30. Es solt keyn mess
gelesen werden den leyen/ man lernet sie denn dar bey das
wort gots. Item es ist so genug mit eyner Mess auff eyne
stund yn der kyrchen als les man tausent die selbig stunde.
Ach got wir sind verblent.

¶ Zum vierdē klage die Baalite. Der Luther mach
auffrur/ zang vñ vnfrid yn der kyrchen/ vnd an den fruch
ten erkent man den barom/ wer seyne leer aus dem heyligē
geyst so brecht sie fruchte/ als frid/ lieb vñ eynikeit. Ant
wort. Was frid bracht Christi/ vñ seyner Aposteln leer dē
Judē/ vnd heyden? Blut vergiffen/ mort/ tödten/ marteln
durch die welt. Ist darumb yhr leer falsch gewest? macht
nit Paul. auffrur yn Epheso Act. 9. Jerusalem. Act. 22. zc
Andreas zu Patras. Matheus yn Morland/ ya die gantz
welt wart auffrurig durch Christi leer/ vnd werte vil hun
dert iar/ was sie drum falsch? Wisset yhr nit das Christe
us sprach. Ich bin kommen zu schicken das schwert/ vnd
scheyden das kint von seyner eltern/ vnd werden widder
eynander seyn der vater vñ son/ mutter vñ tochter.

Der Christlich glawß ist mit blütuer giessen vñ mit
vnfrid der welt auff kommen/ vnd wirt also behalten/ die
warheyt geet nit auff denn mit der vnschuldigen Blut vñ
peyn/ Christus hat seyner iungern frid geben vnd zu der
letz gelassen

letz gelassen / aber nit wie die welt fryd gibt vnd die papisten suchen Luce. xxiij. vnd Joha. viij. die begern fryd vnd wolust des leibs wie den bette die Sodoma vñ Gomorra / vnd worden als yn einē augen plick versenckt / Ezech. vi. Chrust⁹ gibt den innerlichē fryde yn die gewisse durch den glauben / als Paulus spucht Rom. v. durch den glauben haben wir fryd zu gott / vnd Chrustus Johan. xiiij. Ich gib euch nit fryd wie die welt gibt.

Darumb Mar. Luther mit Chrusti vñ der Aposteln leer bringt gut frucht / aber des Endchristen volck mag yhr nit / Hymel brot schmactt yhn nit / es wil haben zwibeln vnd knobloch von Egipto wie Israhel. Numeri. xi. Luther saet gute Euangelischē samen / aber das böß steynig erdrich wil nit frucht bringen / sie wöln nit wissen recht zu thun

¶ Zu dem. v. Klagt das lügenhaftig volck / der Luther bring herfur ein new leer / vnd ein newen glauben / darumb vil einfeltig sprechen / Ich wil bleyben bey dem altē glauben vnd meynen vorfarn / so sie doch nit wissen den alten auch nit den newen glauben Sie wissen nit den alten glauben / den Christus vnd seyne Junger geleert haben Sie wissen auch nit den newē glaubē den vns die Bepst / pielatē / hochschüln / platner / mit hulff Thome Scoti vñ ander naren erdacht vnd furlegt haben / dardurch wir Chrusti verleugnet / meer Heydnisch denn Christlich seyn / aber solcher Bepstlich glaub ist nit den beschornē knaben dran / darumb muß er gut seyn. Also was verzeiten der glaub Belis / Baal / Astarot / gut den abgotterischen püestren / den sie wurden reich dardurch vnd hoch geeret / Aber der propheten vnd gottes leer schmactt yhn nit / denn es dynet yhn nit yn die kuchenze.

Darüb merck Gaimer ley / Luther bringt vns wiß herfur die lautter Euangelisch warheit / darüb heyst er Luther / vñ prediget vns den rechtē altē Apostolischē vñ Christlichen glaubē / yn der Bybel vnd yn dem Euangelio beschribē / aber lang zeyt hatman vns ein pfeffisch vnd Bepstlichen glaubē geprediget / der eben ist Machumets glaub

B

Den von den menschen erdacht.

¶ Zu dem. vi. mal klagen die Papisten/ Luther hab mit euangelisch vnd brüderlich lieb gehalten/ er sey zu vil Boshaftig/ neydig/ schend vnd schmech die leut/ solt auch seyn leer mit ym teutschen haben lassen auß gan/ auff das der ley vnd die gemein nit inuwerd der trigerey mit ym byß her volbracht von gelerten/

Antwort/ dz ist auch die klag d gleyßner wider Christum/ darüb Luther thüt wie Christus/ so thüt yhr wie die gleyßner/ Christus bracht der gleyßner vnd schufft gelerten salckeyt / trygerey / vnd lystige tück an tag / vnd leeret dz volck wie sye witter der gestalt des güttē vñ der schrift die leut betriegen vmb irs eygen gesuchs willen Johan. viij vnd Math. xxi. vnd. xxij. dz was dē Gleyßnern gantz wyder/ yhr grampel marckēt ym Tempel wardt gehindert/ das mochten sie nit leyden / sie hettem das volck versürt yn falschen gots dienst/ fur den rechten gots dienst/ vnd ablecketen yhn yhr hab vñ güit vnd gelt wie iezunt thorn mit meslesen/ iartagen/ vigilien/ vnd Messstiffen. 2c. Also die der gemein man fur from hielt / erklet Christus süßē vnd betrieger des volcks/ das thut Luther auch/ darüb ist er so lieb den beschornen knaben/ wie Christus den Judē.

Aber Christus lebt noch/ hat die seyn nit gantz verlan. Christus was gantz vnfreuntlich den falschen duc Beschē hofferigen heyligē/ Luther ist eben also gegen den beschornē V. Mat. xxij. Christ' flucht auff ein zeit acht mal den gleyßnern vnd schufft verkerten/ er hieß si enatern vnd schlangē gewürm Luc. iij. Er sprach der teuffel wer yhr vater Joh. viij. Er namnt sie Ehebuchlich art Mat. xij. Er lobt die heyden vber sie Luce. iij. Er sprach/ hürnt vnd offentlich sunder werdē euch vorgehen ym reich der hymel. Hat Christus yn disem vnrecht gethan / so hat Luther auch vnrecht gegen. V. gethan / den es ist ein gleiche sach zu beyden teylen

¶ Es ist vil noter yzunt zu predigen wyder die subtilē heylige wolgestalte versürung der welt durch das beschorn volck/ dem predigen wider offentlich sunder / heydē

und Turcken/wider rauber/morder/dyb/ehelicheit 2c. das
man weys das das vnrecht ist/aber durch munch pfafa
fen erdacht leer/wirt die welt verfuert und vnwissiglich
dan teuffel yn die handt gebe/den so wir wenen wir thun
gott ein dienst/ so hofiren wir Sathane.

Hat nit Johannes der tauffer auch gethan wie Lu
ther/er namt die gleyssner (vor d welt fromm geacht) nats
tern sprossen Luc. iij. Sanct Paul byß Bariehu ein kint
des teuffels. Sanct Peter schalt vbel Symone den zaus
berer/Act. viij. Sanct Steffan redt scharpff zu den Judē/
Actu. viij. Daniel bracht an tag die Bosshet d priester Bes
lis/ und richter Susanne. Helias endeckt die falschheyt
400 . falscher propheten und priester Baal / thet sie
todten. 3. Regum. 18.

Darumb Luther yn der sach der Papisten/ist gleich
Christo/Paulo/Petro/vñ Helie/wie thut er denn vnrecht/
er mag den Süben mit hofyren/sie sind nit würdig das yhr
gut rede geben werde / dem blind/blind/blind wolt sie
seyn. Deshalb acht ich ob mā solch vertrib / vertilge/das
es so gros sund sey als do Daniel und Helias solch bösa
wichte vertribē han/ yhr priester Baal warumb disputirt
yhr nit mit Luther aus der schrift: warumb oberwyndt
yhr yhn nit: wo sind yhr bischoff/priester und pdiger: nach
dem euangelio habt yhr auch all ding verlassen vmb gots
willen wie die Aposteln: Matt. xix. Wücher mag spres
chen mit warheyt/golt odder silber hab ich nit/stehe auff
und sey gesundt. Act. iij.

¶ Zum viij. Spücht das gleyssende volck. Der Luth
ther macht vil ergernis/so er spücht/es sey keyn speysß ver
boten die man nyessen mag mit danckbarkeyt zur ierlia
cher zeyt / Antwort / soll man nit warheyt sagen vmb erg
ernis willen/so sol man auch Christum vñ feyn Euan
gelion nit predigen: Denn allzeyt haben sich Juden und
bößen daran geergert/als Pau. spücht. i. Cor. i. Solten die
Aposteln darüb nit gepredigt haben Christi Euāgelio:

¶ O yhr tollen Papisten/es ist nit Luther/sonder
Christus Matt xv Paulus Collo ij vñ i. Thi. iij Pe
B ij

trus/Lucas Actu. x. vnd Mattens sprechen / das keyn
sund ym der speyß/ vnd keyn speyß verboten ym Euanges-
lischen gesetz/ so man danckbar ist/ Warumb strafft yhr
Gotslesterer den Lutter/ so er Christo vñ den ierzgemelte
gleych redt/ gleychformig mit yhm widder euch handelt:
Paul^s spruch: es sey lügen vñ teuffels lere/ speyß vñ Ehe-
lichenstand yemant verbieten / so spricht yhr wenn ich
das sag wie Paulus/ odder wenn Luther das schreybt/ es
sey ketzerey. Also halt yhr mit dem teuffel vnd Antichrist
Paulū vñ den geyst gottis auß yhm redent fur eyn ketzer/
Warumb verbiet yhr vns nu die speyß / die gott vns er-
laubt hat zu essen?

Warumb verbietet yhr den priestern den Ehelichē stād/
vnd erlaubt yhm hürischen stand / seyt yhr mit Antichri-
stisch. Also setz yhr aber den Bapst vñ Christum/ ya
sprechen sie/ Paulus spricht. ij. Thim. iij. vñ. i. Cor. viij.
Wen meyn speyß ergerte meynen Bruder/ so wolt ich nim-
mer mer fleysch essen.

Also sollē wir ergerniß zuuermeyden/ nit essen speyß
verboten vom Bapst/ Antwort/ es ist war/ man sol for-
hyn recht leren vnd sagen/ wie solliche speyß nit verboten
sey von gott/ vñ wie sich nit sollen ergern/ ob ymant nach
Euangelischer freyheytt werd leben/ vnd den Bapst lassen
faren mit seynen gebotten/ das widder Christ^s lere ist/ So
man des die leütte Bericht hat/ darnach wer sich ergert/ d
erger sich/ er nimpt ergerniß wie die Juden von Christo
Matt. xv. ist nit zu achten/ zu solchen sprach Christus/
Lasset sie/ denn sie sind blint vnd blinden fürer. Darumb
sol ich die warheytt odder freyheytt des Euangelions nit
schweygen/ so ettlich sich daroß ergern/ Denn also hett
Paulus vnd die Apostelln auch nit durffen Christū predi-
gen/ denn er ergerniß war den Juden. i. Cor. i.

Auch ym obgemelten worten / verbeit Paulus nit
fleysch zu essen/ das er denn erlaubet. i. Thi. iij. er setz ein
weyß/ wie er sich halten wolt ymnsolchem fall/ Also et-
lich speyß nit essen/ lautter vñs gottis willen / dem leyß
die lust abzubrechen/ ist gut vñ recht/ aber des ädern sund

Darauff zu setzen/ ist teuffelisch spricht Paulus.

¶ Die achte klag der Baaliten / Luther (sprechen sie) ist eyn zorniger man. Antwort/ Nun hat er doch keyn kelch zu d erden geworffen auß zorn/ aber Moses warff die taffeln mit den zehen gebotten Gottes/ die mit finger gottis geschrieben waren/ zu der erden das sie zursprung/ Ero. xxxij. Vnd waren von edlen Saphyren steyn/ als ettlich schrieben/ vnd hat doch gezeugniß/ das er ym der zeit der miltist wer vnter allen menschen.

Auch hat Luther die Papisten noch mit mit geyseln auß der kirchen geschlagen/ wie Jesus den gleyßner thet/ do er die wechßelbank ym tempel umbstieß/ vnd die grempel hym auß trieb zc.

Also Mar. Luther ist von natur eyn sensster/ milder/ gütter/ freuntlicher/ holtfeliger/ vnuerbitterter vñ pur lautter man/ auch gegen den künden/ armen zc. Aber wid der euch Baaliten die gottis wort verkeren/ beweyst er eyn ernst/ wie Helias thet ewren brüder vnd mit pfaffen. iij. Re. xvij. thut recht/ vnd ist Christo gleychförmig widder die gleyßner.

¶ Zu dem ix. Sagen die Papisten/ den Luther heit get niemāt an / den die Leyen vnd vngelerten/ wenig auß den Orden/ wenig aus den Hohenschülñ/ ich solt sagen aus den Hohenschülñ/ wenig Thomistē/ vñ ist dennoch Thomas prediger ordens eyn Bepstlicher held/ es sey ya Got leydt / auch wenig aus den Keyßern/ Königen zc.

Antwort/ Ihr bewert aber mir vnd dem Luther/ dz ihr seyt gleych den natern geschworn/ das alweg was widder Christum vnd seyne leer / Dem die Juden thetten dem herrē eben also vñ sprachen/ Ioan. viij. Nun glaubt doch niemant ym den Jesum dem das volck/ das die schrifft vnd das gesetz mit weyß / vermaladexet seyn sie / Wer glaubte doch auß vnßern Fürsten (wie ytzund Prelaten) odder gleyßnern (wie ytzund Munch) an yhn. Die Heyden auß dem feld/ die Heyden von orient/ suchten Jesum zu Bethleem yñ der krippen/ Luce. ij. Die gantz pfaffheyt bleyb zu Hierusalem vnd gingen nit zu yhm / sie schickten die Heyden dar.

B ij

2067.

162.
Aber höret zu yhr tollent schüler vnd narren / man
findt ietzund zu Tiornberg / Augspurg / Ulm / am roynstrā /
yñ Schweytz / yñ Sachssen / weyber / iunckfrawen / knecht /
Bacchanten / handtwerck / leut / schneyder / schuster / becken /
putner / reutter / ritter / edlen / herren / als nemlich die Hertzogen
von Sachssen / die mer wissen ynn der Bibel (welche die
heylige schrifft ist) denn all Hosenschuln / auch Paris /
Cöln zc. Vnd alle Papisten so weyt die welt ist / vnd sie
könens bewern / vñ bewern es teglich. Wer Keysser Karl
also gelet als des Luthers Calefactor: er lies sich mit eyn
tollen munch also affen / das er durch die welt veracht
ward vñ fur eyn ciffer gehalten.

¶ Das v. Mordgeschrey. Wenn Luther recht het /
so het so lang die Chustlich kirch geit das verhengt got
mit. Antwort / yhr tollent / wisset yhr doch mit was do sey
die Chustlich kirch. was lallet yhr den ob auch die Chust
lich kirch nit yrit / nemlich so sie bleyt bey dem wort got
tis / so mag doch yren des Bapst kirch vnd Caiphe con
cilium / vnd die Hosenschuln / vnd haben dig geyrit / vnd
noch all tag yren / vnd wollen nit von yren lassen. Der
glaub bleybt alzeyt bey etlichen. Wenn der Keysser vñ der
Bapst / mit all yrem volck weren ketzer / als sie warn zu d
zeyt Atansii / wenig außgenom men / noch wern gut Chri
sten ynn India / ynn Africa / ynn Krichenland / vnd ynn
den lenden die der Romisch pfarer verfant hat / als sie
nit haben wollen seyn talmuth / vnd gesetz annemen / son
dem bey Chusti gesetz bleybē / das sind die besten Christen /
was nach Epstlicher gesetz lebt / sind Papisten nit Chri
sten. Die röt hurr von Babilon / schendt all die nit mit
yhr Buelen wölln / Apoc. viii. verclagt sie / wie Putafari
hürleyn thet dem frommen vnschuldigen Joseph. Gen.
xxxix.

¶ Nun merckt weytter. Die Papisten berümen sich
ettlich ding / widder die / die dan Luther anhangen vnd
Chusto.

¶ Zu dem ersten. Das solche vil auß dem orden
lauffen odder vertriben werden. Antwort / Also geschach

den Aposteln vñ marterem / vñ auch alle die yñ got recht
wollen leben / Ioan. xv. müssen verfolgung leyden / sind
doch / Sant Peter / Sant Andreas vñ Christus selber ans
Creutz gehenckte worden / vnd vast vil schendlich gestorbe
vnd vmbbracht / die rechte Christen warn.

¶ Zum andern sprechen sie / Dem Luther anhangen
leychtfertiche leut 2c. Antwort / Christo lieffen hürn vnd
büßen nach / Luce. vij. vñ am xix. Wucherer vñ öffentlich
sunder Mat. ix. vñ xxiij. Auch die besten ym der welt / als
Maria vñ die Aposteln 2c. Also ist es mit dem Luther
auch / Annas / Caiphas / gleyßner vnd ander hoffertig heye
ligen / wolten mit Christi seyn 2c.

¶ Zu dem dritten sagen sie / Die Lutherischen haben
groß anfechtung so sie sterben 2c. Antwort / Das ist eyn
zeychen / das sie eyn rechten glawben han / darumb streyt
der teuffel widder sie / Aber yhr Papisten seyt des teuffels
eygen / darumb darff er nit nach euch stellen mit anfech
tung / yhr seyt auff seynem weg.

¶ Zu dem vierden. Es sterben etlich Lutherische
eyns bößen todts / nach menschen vrteyl Antwort / also ist
Christus auch gestorben / Mat. xxvij. Welcher martirer ist
für der welt eyns gutten todts gestorben: keyner / Darumb
yhr Papisten / wisset nicht von dem glawben der Chris
ten / yhr seyt Papisten / Gott erleucht euch / Amen.

184.

Faint, illegible text, likely bleed-through from the reverse side of the page. The text is arranged in several lines and is significantly faded.


Ff 4362

(X221 0631)

sb.

ac





B.I.G.

Farbkarte #13

Blue Cyan Green Yellow Red Magenta White 3/Color Black

antwortung Hein- Rettenbachs des

Schreys der Papisten vber die
angelische vnd Aposto-
lische lere Martini
Luthers.

Sitttemberg.

1 5 2 3

*verkauft in Kupfer. Naich.
1715/11. 755/9.*

10149

